

AMENAKOTERO KISABAKANTSI TIMATSIRI NAMPITSIPEKI AKANTARA ASHANINKATI

AYOTANEPE AYOYETIRI ASHANINKATI OKANTAKOTA AÑINKARIPE JITACHARI RECURSOS BIOLÓGICOS

Irointi maroni yotanepe ayoyetiri apoñitakakari ayotakeri perani nampitsipeki jero anampipeki akantara ashaninkati, okantayeta abintayetaro maroni timayetsiri antamiki jero aipatsiteki, akantabake, maroni shiyokayetsiri, añayetiri jero shonkimoteri.

Maroni ayotaneyetari okantakotiri añinkaripe jitachari recursos biológicos amabentakotiro ora "Ley amenakotirori jero amabentakotirori yotanepe irashi maroni akantara ashaninkati yotakoyetirori añinkaripe jitachari recursos biológicos" (Ley N° 27811).



ANTAYETERI NAMPITSIPE AKANTARA ASHANINKATI ARIORIKA OINIJNATERO JERO OSHINETERO MARONI OYOTANEYETARI

Otimatye okamantayetero pashinipe nampitsi akantara ashaninkati yotakotirori aisati yotanepe, ikemantajeitirori paita ikantajeitiri jero paita ikoajeitiri, kemperi ora ikantajeita ikemantsakatiro jero ikanta ikemisantayeti.

AJIBATAKAYERO TSINANEPE AMITAKOTANTERI ATABERENTSIPEKI

Maroni tsinanepa akemetara ashaninkajeiti iro oinijayetirori maroni yotanepe impoiji irojetake amabentakoyetirori maroni añinkaripe jero akiyetari, irotakeka, otimatye ashinetero amitakote amitakotanteri abetsikakotero eiorika akabakajeitatsi kametsa antaberentsipe.



ININATABAKAJEITYARIKA ATIRIPE AKANTARA ASHANINKATI

Irointi, eiorika akabakarotsi nampitsipe okantakota ayero impoiji antayetantaro ayotakoyetiri akantara ashaninkati. Kemperi, aparani nampitsi opakerorika oyotane aparani empresa temaita okamenateroji pashinipe nampitsi yotakotirori aisati yotantsi opakantakeri.



OKANTA OTIKAKOBENTE CONSUEUDINARIO ABETSIKANTYARORI KISABAKANTSI

Ora okanta otikakobente consuetudinario irointi maroni ameyetari jero antayetiri atiripe kemperi ashaninkati ibetsikantayetarori kariperontasipe. Irointi imonkarayetiri asaikajeitanyari kametsa kari sankenatachane, kantimiatacha imonkarayetiro tema iro ametakari apoñanaka perani.



OKANTAKOTA IKANTETIRI OTIKAKOBETE CONSUEUDINARIO:

- Irointi ora akanta asaikajeiti, apatyabakajeita maroni nampitsiyetsiri akantara ashinkajeiti.
- Irotake oiniyantirori akantara ashaninkati, asaikajeiti apatyabakajeita anampipeki.
- Oijatakotiri ora derecho ashisanotari Estado ari okantakea opashinyete okenkishiriari, oñabetiri nampitsipe akantara ashaninkati.
- Iyotabakajeita jero yapatyabakajeita (ibankoki, inampiki ikantara yashaninkajeiti jero pashinipe).
- Aparope nampitsi akantara ashaninkajeiti timatsi okanta ora otikakobente consuetudinario.
- Oyotakotiro jero amabentakotaro Estado irokea otimatye omonkaratero impoiji opinkatsatero ikantetiri derechos humanos iyotirori anampiki jero pashiniki nampitsi.

ANTAYETERI ABETSIKANTYARORI KISABAKANTSISPE

Ariorika otimake kisabakantsi nampitsipeki akantara ashaninkati, otimatye akenkeshirero okanta otikakobente consuetudinario ipinkatsayetiri aipatsitepeki, anampiki ijibabentirora yotanepe. Aisati ari okantake amenakote apatoirentsi jibabentirori anampitsitepe.

Timatsirika kisabakantsi nampitsipeki ari okantake abetsikajero aririka:

- Eiorika yakabakajeitarotsi ora tikakobentantsi consuetudinario nampitsipeki akantara ashaninkati, ari okantake ajatashitero apatoirentsi apatyakairi anampiki, regional terika nacional.
- Ariorika ikisabakajeitya ashaninkape shiyabakajeitachari akantara ashaninkati, otimatye ajate abetsikakotero apatoirentsi timatsiri anampiki terika ora regional.
- Ariorika ikisabakajeitya ashaninkape saikajeitatsiri aparani nampitsi, otimatye ajatashiteri jibatirori anampi terika antarikonaripe, iri amitakotene abetsikajero kantimonentantsi iramenanakerorika apinkatsatiri jero ikanta iyotiro ibetsikakoero kariperontasipe.
- Maroni betsikakotantsi otimatye osankenatakoya akitaki.

TIKAKOBENTIRORI ORA IKANTETIRI CONSUEUDINARIO IRASHI AKANTARA ASHANINKATI:

- Ora jitachari Convenio 169 de la OIT sobre Pueblos Indígenas y Tribales en Países Independientes
- Irori ora Declaración de las Naciones Unidas sobre los Derechos de los Pueblos Indígenas.
- Aisati ora Declaración Americana sobre los Derechos de los Pueblos Indígenas.
- Jero irori ora Constitución Política del Perú.

Colaboradores:..